


中阿含經



二百六十一
薄一

49332



江

中阿含經卷第一

有五品半今有六十四經

薄

東晉罽賓三藏瞿曇僧伽提婆譯

七法品第一

有十經

初一日誦

善法晝度樹

城水木積喻

善人往世福

七日車漏盡

中阿含七法品善法經第一

我聞如是一時佛遊舍衛國在勝林

給孤獨

園今時世尊告諸比丘若有比丘成就七法

就七法

者便於賢聖得歡喜樂正趣漏盡云何為七

謂比丘知法知義知時知節知己知眾知人

勝如云何比丘為知法耶謂比丘知正經歌

詠記說偈咄因緣撰錄本起此說生處廣解

未曾有法及說義是謂比丘為知法也若有
比丘不知法者謂不知正經歌詠記說偈𡵈
因緣撰錄本起此說生處廣解未曾有法及
說義如是比丘為不知法若有比丘善知法
者謂知正經歌詠記說偈𡵈因緣撰錄本起
此說生處廣解未曾有法及說義是謂比丘
善知法也云何比丘為知義耶謂比丘知彼
彼說義是彼義是此義是謂比丘為知義也
若有比丘不知義者謂不知彼彼說義是彼
義是此義如是比丘為不知義若有比丘善
知義者謂知彼彼說義是彼義是此義是謂
比丘善知義也云何比丘為知時耶謂比丘

知是時修下相是時修高相是時修捨相是
謂比丘爲知時也若有比丘不知時者謂不
知是時修下相是時修高相是時修捨相如
是比丘爲不知時若有比丘善知時者謂知
是時修下相是時修高相是時修捨相是謂
比丘善知時也云何比丘爲知節耶謂比丘

知節若飲若食若去若住若坐若卧若語若默
若大小便捐除睡眠修行正智是謂比丘爲
知節也若有比丘不知節者謂不知若飲若
食若去若住若坐若卧若語若嘿若大小便
捐除睡眠修行正智如是比丘爲不知節若
有比丘善知節者謂知若飲若食若去若住

若坐若卧若語若默若大小便捐除睡眠修
行正智是謂比丘善知節也云何比丘爲知
已耶謂比丘自知我有尔所信戒聞施慧辯
阿舍及所得是謂比丘爲知己也若有比丘
不知己者謂不自知我有尔所信戒聞施慧
辯阿舍及所得如是比丘爲不知己若有比
丘善知己者謂自知我有尔所信戒聞施慧
辯阿舍及所得是謂比丘善知己也云何比
丘爲知衆耶謂比丘知此刹刹衆此梵志衆
此居士衆此沙門衆我於彼衆應如是去如
是住如是坐如是語如是嘿是謂比丘爲知
衆也若有比丘不知衆者謂不知此刹刹衆

此梵志衆此居士衆此沙門衆我於彼衆應
如是去如是任如是坐如是語如是嘿如是
比丘爲不知衆若有比丘善知衆者謂知此
刹利衆此梵志衆此居士衆此沙門衆我於
彼衆應如是去如是任如是坐如是語如是
嘿是謂比丘善知衆也云何比丘知人勝如
謂比丘知有二種人有信有不信若信者勝
不信者爲不如也謂信人復有二種有數往
見比丘有不數往見比丘若數往見比丘者
勝不數往見比丘者爲不如也謂數往見比
丘人復有二種有禮敬比丘有不禮敬比丘
若禮敬比丘者勝不禮敬比丘者爲不如也

謂禮敬比丘人復有二種有問經有不問經
若問經者勝不問經者爲不如也謂問經人
復有二種有一心聽經有不一心聽經若一
心聽經者勝不一心聽經者爲不如也謂一
心聽經人復有二種有聞持法有聞不持法
若聞持法者勝聞不持法者爲不如也謂聞
持法人復有二種有聞法觀義有聞法不觀
義若聞法觀義者勝聞法不觀義者爲不如
也謂聞法觀義人復有二種有知法知義向
法次法隨順於法如法行之有不知法不知
義不向法次法不隨順法不如法行若知法
知義向法次法隨順於法如法行者勝不知

法不知義不向法次法不隨順法不如法行者爲不如也謂知法知義向法次法隨順於法如法行人復有二種有自饒益亦饒益他饒益多人愍傷世間爲天爲人求義及饒益求安隱快樂有不自饒益亦不饒益他不饒益多人不愍傷世間不爲天爲人求義及饒益求安隱快樂若自饒益亦饒益他饒益多人愍傷世間爲天爲人求義及饒益求安隱快樂者此人於彼人中爲極第一爲大爲上爲最爲勝爲尊爲妙譬如因牛有乳因乳有酪因酪有生酥因生酥有熟酥因熟酥有酥精酥精者於彼中爲極第一爲大爲上爲最爲勝爲尊爲妙如是若人自饒益亦饒益他饒益多人愍傷世間爲天爲人求義及饒益求

勝爲尊爲妙如是若人自饒益亦饒益他饒
益多人愍傷世間爲天爲人求義及饒益求
安隱快樂此二人如上所說如上分別如上
施設此爲第一爲大爲上爲最爲勝爲尊爲
妙是謂比丘知人勝如佛說如是彼諸比丘
聞佛所說歡喜奉行 善法經第一竟

中阿含七法品晝度樹經第二 初一日誦
我聞如是一時佛遊舍衛國在勝林給孤獨
園介時世尊告諸比丘若三十三天晝度樹
葉萎黃是時三十三天悅樂歡喜晝度樹葉
不久當落復次三十三天晝度樹葉已落是
時三十三天悅樂歡喜晝度樹葉不久當還

生復次三十天晝度樹葉已還生是時三十
三天悅樂歡喜晝度樹不久當生網復次
三十天晝度樹已生網是時三十天悅
樂歡喜晝度樹不久當生如鳥喙復次三十
三天晝度樹已生如鳥喙是時三十天悅
樂歡喜晝度樹不久當開如鉢復次三十
天晝度樹已開如鉢是時三十天悅樂歡
喜晝度樹不久當盡敷開若晝度樹已盡敷
開光所照色所映香所熏周百由延是時三
十三天於中夏四月以天五欲功德具足而
自娛樂是謂三十天於晝度樹下集會娛
樂也如是義聖弟子亦復念出家是時

聖弟子名爲葉黃猶三十三天晝度樹葉萎黃也復次聖弟子剃除鬚髮著袈裟衣至信捨家無家學道是時聖弟子名爲葉落猶三十三天晝度樹葉落也復次聖弟子離欲離惡不善之法有覺有觀離生喜樂得初禪成就遊是時聖弟子名葉還生猶三十三天晝度樹葉還生也復次聖弟子覺觀已息內靖一心無覺無觀定生喜樂得第二禪成就遊是時聖弟子名爲生綱猶三十三天晝度樹生綱也復次聖弟子離於喜欲捨無求遊正念正智而身覺樂謂聖所說聖所捨念樂住空得第三禪成就遊是時聖弟子名生如鳥

喙猶三十三天晝度樹如鳥喙也復次聖弟子樂滅苦滅喜憂本已滅不苦不樂捨念清淨得第四禪成就遊是時聖弟子名生如鉢猶三十三天晝度樹如鉢也復次聖弟子諸漏已盡心解脫慧解脫於現法中自知自覺自作證成就遊生已盡梵行已立所作已辦不更受有知如真是時聖弟子名盡敷開猶三十三天晝度樹盡敷開也彼爲漏盡阿羅訶比丘三十三天集在善法正殿咨嗟稱嘆其尊弟子於某村邑剝除鬚髮著袈裟衣至信捨家無家學道諸漏已盡心解脫慧解脫於現法中自知自覺自作證成就遊生已盡

梵行已立所作已辦不更受有知如真是謂
漏盡阿羅訶共集會也如三十三天晝度樹
下共集會也佛說如是彼諸比丘聞佛所說
歡喜奉行
晝度樹經第二竟

中阿含七法品城喻經第三

初一日誦

我聞如是一時佛遊舍衛國在勝林給孤獨
園尔時世尊告諸比丘如王邊城七事具足
四食豐饒易不難得是故王城不為外敵破
唯除內自壞云何王城七事具足謂王邊城
造立樓櫓築地使堅不可毀壞為內安隱制
外怨敵是謂王城一事具足復次如王邊城
掘鑿池塹極使深廣修備可依為內安隱制

外怨敵是謂王城二事具足復次如王邊城周市通道開除平博為內安隱制外怨敵是謂王城三事具足復次如王邊城集四種軍為軍馬軍車軍步軍為內安隱制外怨敵是謂王城四事具足復次如王邊城豫備軍器弓矢鉞戟為內安隱制外怨敵是謂王城五事具足復次如王邊城立守門大將明略智辯勇毅竒謀善則聽入不善則禁為內安隱制外怨敵是謂王城六事具足復次如王邊城築立高墻令極牢固泥塗堊灑為內安隱制外怨敵是謂王城七事具足也云何王城四食豐饒易不難得謂王邊城水草樵木資

有豫備爲內安隱制外怨敵是謂王城一食
豐饒易不難得復次如王邊城多收稻穀及
儲畜麥爲內安隱制外怨敵是謂王城二食
豐饒易不難得復次如王邊城多積粘豆及
大小豆爲內安隱制外怨敵是謂王城三食
豐饒易不難得復次如王邊城畜酥油蜜及
甘蔗糖魚鹽脯肉一切充足爲內安隱制伏
怨敵是謂王城四食豐饒易不難得如是王
城七事具足四食豐饒易不難得不爲外敵
破唯除內自壞如是若聖弟子亦得七善法逮
四增上心易不難得是故聖弟子不爲魔王
之所得便亦不隨惡不善之法不爲染汚所染

不復更受生也。云何聖弟子得七善法謂聖弟子得堅固信深著如來信根已立終不隨外沙門梵志若天魔梵及餘世間是謂聖弟子得一善法復次聖弟子常行慙恥可慙知慙惡不善法穢汙煩惱受諸惡報造生死本是謂聖弟子得二善法復次聖弟子常行羞愧可愧知愧惡不善法穢汙煩惱受諸惡報造生死本是謂聖弟子得三善法復次聖弟子常行精進斷惡不善修諸善法恒自起意專一堅固爲諸善本不捨方便是謂聖弟子得四善法復次聖弟子廣學多聞守持不忘積聚博聞所謂法者初善中善竟亦善有義

有文具足清淨顯現梵行如是諸法廣學多
聞翫習至千意所惟觀明見深達是謂聖弟
子得五善法復次聖弟子常行於念成就正
念久所曾習久所曾聞恒憶不忘是謂聖弟
子得六善法復次聖弟子修行智慧觀興衰
法得如此智聖慧明達分別曉了以正盡苦
是謂聖弟子得七善法也云何聖弟子逮四
增上心易不難得謂聖弟子離欲離惡不善
之法有覺有觀離生喜樂逮初禪成就遊是
謂聖弟子逮初增上心易不難得復次聖弟
子覺觀已息內靖一心無覺無觀定生喜樂
逮第二禪成就遊是謂聖弟子逮第二增上

心易不難得復次聖弟子離於喜欲捨無求
遊正念正智而身覺樂謂聖所說聖所捨念
樂住空逮第三禪成就遊是謂聖弟子逮第
三增上心易不難得復次聖弟子樂滅苦滅
喜憂本已滅不苦不樂捨念清淨逮第四禪
成就遊是謂聖弟子逮第四增上心易不難
得如是聖弟子得七善法逮四增上心易不
難得不爲魔王之所得便亦不隨惡不善之
法不爲染汚所染不復更受生如王邊城造立
樓櫓築地使堅不可毀壞爲內安隱制外怨
敵如是聖弟子得堅固信深著如來信根已
立終不隨外沙門梵志若天魔梵及餘世間

是謂聖弟子得信樓櫓除惡不善修諸善法也如王邊城掘鑿池漸極使深廣修備可依爲內安隱制外怨敵如是聖弟子常行慙恥可慚知慙惡不善法穢汙煩惱受諸惡報造生死本是謂聖弟子得慙池漸除惡不善修諸善法也如王邊城周帀通道開除平博爲內安隱制外怨敵如是聖弟子常行羞愧可愧知愧惡不善法穢汙煩惱受諸惡報造生死本是謂聖弟子得愧平道除惡不善修諸善法也如王邊城集四種軍爲軍車軍步軍爲內安隱制外怨敵如是聖弟子常行精進斷惡不善修諸善法恒自起意專一堅

固為諸善本不捨方便是謂聖弟子得精進
軍除惡不善修諸善法也如王邊城備預軍
器弓矢矛戟為內安隱制外怨敵如是聖弟
子廣學多聞守持不忘積聚博聞所謂法者
初善中善竟亦善有義有文具足清淨顯現
梵行如是諸法廣學多聞翫習至千意所惟
觀明見深遠是謂聖弟子得多聞軍器除惡
不善修諸善法也如王邊城立守門大將明
略智辯勇毅奇謀善則聽入不善則禁為內
安隱制外怨敵如是聖弟子常行於念成就
正念久所曾習久所曾聞恒憶不忘是謂聖
弟子得念守門大將除惡不善修諸善法也

如王邊城築立高墻令極牢固泥塗堊灑爲
內安隱制外怨敵如是聖弟子修行智慧觀
興衰法得如此智聖慧明達分別曉了以正
盡苦是謂聖弟子得智慧墻除惡不善修諸
善法也如王邊城水草樵木資有豫備爲內
安隱制外怨敵如是聖弟子離欲離惡不善
之法有覺有觀離生喜樂逮初禪成就遊樂
任無乏安隱快樂自致涅槃也如王邊城多
收稻穀及儲畜麥爲內安隱制外怨敵如是
聖弟子覺觀已息內靖一心無覺無觀定生
喜樂逮第二禪成就遊樂任無乏安隱快樂
自致涅槃也如王邊城多積粘豆及大小豆

爲內安隱制外怨敵如是聖弟子離於喜欲
捨無求遊正念正智而身覺樂謂聖所說聖
所捨念樂任空逮第三禪成就遊樂任無乏
安隱快樂自致涅槃也如王邊城畜酥油蜜
及甘蔗糖魚鹽脯肉一切充足爲內安隱制
外怨敵如是聖弟子樂滅苦滅喜憂本已滅
不苦不樂捨念清淨逮第四禪成就遊樂任
無乏安隱快樂自致涅槃佛說如是彼諸比
丘聞佛所說歡喜奉行

城喻經第三竟

中阿含七法品水喻經第四

初一日誦

我聞如是一時佛遊舍衛國在勝林給孤獨

園尔時世尊告諸比丘我當為汝說七水人
諦聽諦聽善思念之時諸比丘受教而聽佛
言云何為七或有一人常卧水中或復有人
出水還沒或復有人出水而住或復有人出
水而住住已而觀或復有人出水而住住已
而觀觀已而度或復有人出水而住住已而
觀觀已而度度已至彼岸或復有人出水而
住住已而觀觀已而度度已至彼岸至彼岸
已謂住岸人如是我當復為汝說七水喻人
諦聽諦聽善思念之時諸比丘受教而聽佛
言云何為七或有人常卧或復有人出已還
沒或復有人出已而住或復有人出已而住

住已而觀或復有人出已而住住已而觀觀已而度或復有人出已而住住已而觀觀已而度度已至彼岸或復有人出已而住住已而觀觀已而度度已至彼岸已謂住岸梵志此七水喻人我略說也如上所說如上施設汝知何義何所分別有何因緣時諸比丘白世尊曰世尊為法本世尊為法王法由世尊唯願說之我等聞已得廣知義佛便告曰汝等諦聽善思念之我當為汝分別其義時諸比丘受教而聽佛言云何有人常卧謂或有人為不善法之所覆蓋染汙所深受惡法報造生死本是謂有人常卧猶人没溺

卧于水中我說彼人亦復如是是謂初水喻
人世間諦如有也云何有人出已還沒謂人既
出得信善法持戒布施多聞智慧修習善法彼
於後時失信不固失持戒布施多聞智慧而
不堅固是謂有人出已還沒猶人溺水既出
還沒我說彼人亦復如是是謂第二水喻人
世間諦如有也云何有人出已而住謂人既
出得信善法持戒布施多聞智慧修習善法
彼於後時信固不失持戒布施多聞智慧堅
固不失是謂有人出已而住猶人溺水出已
而住我說彼人亦復如是是謂第三水喻人
世間諦如有也云何有人出已而住已而觀

謂人既出得信善法持戒布施多聞智慧修
習善法彼於後時信固不失持戒布施多聞
智慧堅固不失任善法中知苦如真知苦習
知苦滅知苦滅道如真彼如是知如是見三
結便盡謂身見戒取疑三結已盡得須陀洹
不墮惡法定趣正覺極受七有天上人間七
往來已便得苦際是謂有人出已而任任已
而觀猶人溺水出已而任任已而觀我說彼
人亦復如是是謂第四水喻人世間諦如有
也云何有人出已而任任已而觀觀已而度
謂人既出得信善法持戒布施多聞智慧修
習善法彼於後時信固不失持戒布施多聞

智慧堅固不失任善法中知苦如真知苦習
知苦滅知苦滅道如真如是知如是見三結
便盡謂身見戒取疑三結已盡婬怒癡薄得
一往來天上人間一往來已便得苦際是謂
有人出已而任任已而觀觀已而度猶人溺
水出已而任任已而觀觀已而度我說彼人
亦復如是是謂第五水喻人世間諦如有也
云何有人出已而任任已而觀觀已而度度
已至彼岸謂人既出得信善法持戒布施多
聞智慧修習善法彼於後時信固不失持戒
布施多聞智慧堅固不失任善法中知苦如
真知苦習知苦滅知苦滅道如真如是知如

是見五下分結盡謂貪欲瞋恚身見戒取疑
五下分結盡已生於彼間便般涅槃得不退
法不還此世是謂有人出已而住已而觀
觀已而度度已至彼岸猶人溺水出已而住
住已而觀觀已而度度已至彼岸我說彼人
亦復如是是謂第六水喻人世間諦如有也
云何有人出已而住住已而觀觀已而度度
已至彼岸至彼岸已謂住岸梵志謂人既出
得信善法持戒布施多聞智慧修習善法彼
於後時信固不失持戒布施多聞智慧堅固
不失住善法中知苦如真知苦習知苦滅知
苦滅道如真如是知如是見次漏心解脫有

漏無明漏心解脫解脫已便知解脫生已盡
梵行已立所作已辦不更受有知如真是謂
有人出已而住住已而觀觀已而度度已至
彼岸至彼岸已謂住岸梵志猶人溺水出已
而住住已而觀觀已而度度已至彼岸至彼
岸已謂住岸人我說彼人亦復如是是謂第
七水喻人世間諦如有也我向所言當爲汝
說七水人者因此故說佛說如是彼諸比丘
聞佛所說歡喜奉行

水喻經第四竟

中阿含七法品木積喻經第五

初一日誦

我聞如是一時佛遊拘薩羅在人間與大比

丘衆翼從而行。介時世尊則於中路忽見一
處有大木積洞然俱熾。世尊見已，便下道側
更就餘樹敷座。師壇結跏趺坐。世尊坐已，告
諸比丘：汝等見彼有大木積洞然俱熾耶？時
諸比丘荅曰：見也。世尊復告諸比丘曰：於意
云何？諸大木積洞然俱熾若抱若坐若卧，謂
刹刹女梵志居士工師女。年在盛時沐浴香
熏，著明淨衣華鬘瓔珞嚴飾其身。若抱若坐
若卧，何者？爲樂時。諸比丘白曰：世尊謂大木
積洞然俱熾若抱若坐若卧，甚苦。世尊謂刹
刹女梵志居士工師女。年在盛時沐浴香熏
著明淨衣華鬘瓔珞嚴飾其身。若抱若坐若

卧甚樂出尊出尊告曰我爲汝說不令汝等
學沙門失沙門道汝欲成無上梵行者寧抱
木積洞然俱熾若坐若卧彼雖因此受苦或
死然不以是身壞命終趣至惡處生地獄中
若愚癡人犯戒不精進生惡不善法非梵行
稱梵行非沙門稱沙門若抱刹刹女梵志居
士工師女年在盛時沐浴香熏著明淨衣華
鬘瓔珞嚴飾其身若坐若卧者彼愚癡人因
是長夜不善不義受惡法報身壞命終趣至
惡處生地獄中是故汝等當觀自義觀彼義
觀兩義當作是念我出家學不虛不空有果
有報有極安樂生諸善處而得長壽受人信

施衣被飲食牀褥湯藥令諸施主得大福祐
得大果報得大光明者當作是學世尊復告
諸比丘曰於意云何若有力士以緊索毛繩
絞勒其膂斷皮已斷肉已斷筋斷
筋已斷骨斷骨已至髓而任若從利利梵志
居士工師受其信施按摩身體支節手足何
者爲樂時諸比丘白曰世尊若有力士以緊
索毛繩絞勒其膂斷皮已斷肉已斷筋斷
斷筋斷筋已斷骨斷骨已至髓而任甚苦世
尊若從利利梵志居士工師受其信施按摩
身體支節手足甚樂世尊世尊告曰我爲汝
說不令汝等學沙門失沙門道汝欲成無上

梵行者寧令力士以緊索毛繩絞勒其膻斷
皮斷皮已斷肉斷肉已斷筋斷筋已斷骨斷
骨已至髓而任彼雖因此受苦或死然不以
是身壞命終趣至惡處生地獄中若愚癡人
犯戒不精進生惡不善法非梵行稱梵行非
沙門稱沙門從利利梵志居士工師受其信
施按摩身體支節手足彼愚癡人因是長夜
不善不義受惡法報身壞命終趣至惡處生
地獄中是故汝等當觀自義觀彼義觀兩義
當作是念我出家學不虛不空有果有報有
極安樂生諸善處而得長壽受人信施衣被
飲食牀褥湯藥令諸施主得大福祐得大果

報得大光明者當作是學世尊復告諸比丘
曰於意云何若有力士以瑩磨利刀截斷其
髀若從刹利梵志居士工師受信施礼拜恭
敬將迎何者爲樂時諸比丘曰世尊若有
力士以瑩磨利刀截斷其髀甚苦世尊若從
刹利梵志居士工師受信施礼拜恭敬將迎

甚樂世尊世尊告曰我爲汝說不令汝等學
沙門失沙門道汝欲成無上梵行者寧令力
士以瑩磨利刀截斷其髀彼雖因此受苦或
死然不以是身壞命終趣至惡處生地獄中
若愚癡人犯戒不精進生惡不善法非梵行
稱梵行非沙門稱沙門從刹利梵志居士工

師受信施禮拜恭敬將迎彼愚癡人因是長
夜不善不義受惡法報身壞命終趣至惡處
生地獄中是故汝等當觀自義觀彼義觀兩
義當作是念我出家學不虛不空有果有報
有極安樂生諸善處而得長壽受人信施衣
被飲食牀褥湯藥令諸施主得大福祐得大
果報得大光明者當作是學世尊復告諸比
丘曰於意云何若有力士以鐵銅鏃洞然俱
熾纏絡其身若從利利梵志居士工師受信
施衣服何者爲樂時諸比丘白曰世尊若有
力士以鐵銅鏃洞然俱熾纏絡其身甚苦世
尊若從利利梵志居士工師受信施衣服甚

樂世尊世尊告曰我爲汝說不令汝等學沙
門失沙門道汝欲成無上梵行者寧令力士
以鐵銅鑠洞然俱熾纏絡其身彼雖因此受
苦或死然不以是身壞命終趣至惡處生地
獄中若愚癡人犯戒不精進生惡不善法非
梵行稱梵行非沙門稱沙門從利利梵志居
士工師受信施衣服彼愚癡人因是長夜不
善不義受惡法報身壞命終趣至惡處生地
獄中是故汝等當觀自義觀彼義觀兩義當
作是念我出家學不虛不空有果有報有極
安樂生諸善處而得長壽受人信施衣被飲
食牀褥湯藥令諸施主得大福祐得大果報

得大光明者當作是學世尊復告諸比丘曰
於意云何若有力士以熱鐵鈹鈹開其口便
以鐵丸洞然俱熾著其口中彼熱鐵丸燒脣
燒脣已燒舌燒舌已燒斷燒斷已燒咽燒咽
已燒心燒心已燒腸胃燒腸胃已下過若從
利利梵志居士工師受信施食無量衆味何
者爲樂時諸比丘白曰世尊若有力士以熱
鐵鈹鈹開其口便以鐵丸洞然俱熾著其口
中彼熱鐵丸燒脣燒脣已燒舌燒舌已燒斷
燒斷已燒咽燒咽已燒心燒心已燒腸胃燒
腸胃已下過甚苦世尊若從利利梵志居士
工師受信施食無量衆味甚樂世尊世尊告

曰我爲汝說不令汝等學沙門失沙門道汝
欲成無上梵行者寧令力士以熱鐵鈗鈗開
其口便以鐵丸洞然俱熾著其口中彼熱鐵
丸燒脣燒脣已燒舌燒舌已燒斷燒斷已燒
咽燒咽已燒心燒心已燒腸胃燒腸胃已下
過彼雖因此受苦或死然不以是身壞命終
趣至惡處生地獄中若愚癡人犯戒不精進
生惡不善法非梵行稱梵行非沙門稱沙門
從利利梵志居士工師受信施食無量衆味
彼愚癡人因是長夜不善不義受惡法報身
壞命終趣至惡處生地獄中是故汝等當觀
自義觀彼義觀兩義當作是念我出家學不

虛不空有果有報有極安樂生諸善處而得
長壽受人信施衣被飲食牀褥湯藥令諸施
主得大福祐得大果報得大光明者當作是
學世尊復告諸比丘曰於意云何若有力士
以鐵銅牀洞然俱熾強逼使人坐卧其上若
從刹刹梵志居士工師受其信施牀楡卧具
何者爲樂時諸比丘白曰世尊若有力士以
鐵銅牀洞然俱熾強逼使人坐卧其上甚苦
世尊若從刹刹梵志居士工師受其信施牀
楡卧具甚樂世尊告曰我爲汝說不令
汝等學沙門失沙門道汝欲成無上梵行者
寧令力士以鐵銅牀洞然俱熾強逼使人坐

卧其上彼雖因此受苦或死然不以是身壞
命終趣至惡處生地獄中若愚癡人犯戒不
精進生惡不善法非梵行稱梵行非沙門稱
沙門從利利梵志居士工師受其信施牀槍
卧具彼愚癡人因是長夜不善不義受惡法
報身壞命終趣至惡處生地獄中是故汝等
當觀自義觀彼義觀兩義當作是念我出家
學不虛不空有果有報有極安樂生諸善處
而得長壽受人信施衣被飲食牀褥湯藥今
諸施主得大福祐得大果報得大光明者當
作是學世尊復告諸比丘曰於意云何若有
力士以大鐵銅釜洞然俱熾撮舉人已倒著

釜中若從利利梵志居士工師受信施房舍
泥治聖灑窻戶牢密爐火溫暖何者爲樂時
諸比丘白曰世尊若有力士以大鐵銅釜洞
然俱熾撮舉人已倒著釜中甚苦世尊若從
利利梵志居士工師受信施房舍泥治聖灑
窻戶牢密爐火溫暖甚樂世尊世尊告曰我
爲汝說不令汝等學沙門失沙門道汝欲成
無上梵行者寧令力士以大鐵銅釜洞然俱
熾撮舉人已倒著釜中彼雖因此受苦或死
然不以是身壞命終趣至惡處生地獄中若
愚癡人犯戒不精進生惡不善法非梵行稱
梵行非沙門稱沙門從利利梵志居士工師

受信施房舍泥治堊灑窓戶牢密爐火溫暖
彼愚癡人因是長夜不善不義受惡法報身
壞命終趣至惡處生地獄中是故汝等當觀
自義觀彼義觀兩義當作是念我出家學不
虛不空有果有報有極安樂生諸善處而得
長壽受人信施衣被飲食牀褥湯藥令諸施
主得大福祐得大果報得大光明者當作是
學說此法時六十比丘漏盡結解六十比丘
捨戒還家所以者何世尊教戒甚深甚難學
道亦復甚深甚難佛說如是彼諸比丘聞佛
所說歡喜奉行

木積喻經第五竟

中阿含經卷第一

晝度右反知偈咍他下音撰錄上愁板反嘿默同

音墨捐音緣萎黃上烏鳥喙下兄穉反

映於敬反娛樂上音愚靖字靜敵徒的樓櫓

上望樓也築音竹掘鑿上其物反塹塹反七坑

屬也下弓矢下反鉾矛戟上二同莫浮反槍之下

勇毅下魚使既反致也牀榻下音塔聖聖灑音上

惡白善土樵木反上自薪也儲畜上音除積預

也粘豆沾上反蔗糖反上甘夜金音父鹽鹽脯二上

同蓋字下反逮音代及溺沒的華鬘鬘下

班反林檎肉下辱上俗檀床下二同音絞勒上反古

縛踣
外骨
鏢

時軟反
音菜銅
薄也

鐵
腸也

筋
音斤

瑩
紆定反

齒
語斤反也

咽
音反

米
煙股

腸胃

謂下音

撮
反七活

温
字下

暱
字下

暖



